

ԱՐՁԱՆԱԳՐՈՒԹՅՈՒՆ ԹԻՎ 68/03-1

ք. Երևան, Արշակունյաց 5.417 սենյակ

21.01.2022թ. ժամը 17:00

Համաձայն ՀՀ Արդարադատության նախարարությունից վերահասցեագրված և «ՍԳԿԿ» ԻԿԿ-ում՝ 09.11.2021թ. ստացված փաստաբան Արկադյա Գևորգյանի 14.11.2021թ-ի քիվ 422353 դիմումի հետագա ընթացքը ապահովելու նպատակով՝ քաղաքացի Վրեժ Սարգսյանի սնանկության գործով կառավարիչ՝ Հենրիկ Մարտիկյանի գործողությունների /անգործության/ փաստերի նկատմամբ, վերահսկողության գործառույթի պատշաճ իրականացման նպատակով, կառավարչի վարքագծի վերաբերյալ կարգապահական վարույթ հարուցելու և դիմումում արժանված հանգամանքների և ներկայցված առարկությունների վերաբերյալ եզրակացության գալու համար՝ ս/ք-ի Հունվարի 21-ին ժամը 17-00-ին՝ ք.Երևան, Արշակունյաց 5 հասցեում, հրավիրված «ՍԳԿԿ» ԻԿԿ Կարգապահական հանձնաժողովի հոտաձգված նիստին.

**ԾԱՆՈՒՑՎԱԾ ԷԻՆ՝**

Հանձնաժողովի անդամ՝ Արմեն Ադամյանը  
Հանձնաժողովի անդամ՝ Հարություն Գևորգյանը  
Հանձնաժողովի անդամ՝ Արմինե Մովսիսյանը  
Հանձնաժողովի անդամ՝ Ռուբեն Խալաթյանը  
Դիմումատու՝ քաղաքացի Վրեժ Սարգսյանի սնանկության գործով պարտատեր՝ Գառնիկ Հովհաննիսյանի ներկայացուցիչ՝ փաստաբան Արկադյա Գևորգյանը:  
Քաղաքացի Վրեժ Սարգսյանի սնանկության գործով կառավարիչ՝ Հենրիկ Մարտիկյանը

**ՍԱՍՆԱԿՑԵՑԻՆ՝**

Հանձնաժողովի Նախագահ՝ Տիգրան Հարությունյանը  
Հանձնաժողովի անդամ՝ Արմեն Ադամյանը  
Հանձնաժողովի անդամ՝ Ռուբեն Խալաթյան  
Հանձնաժողովի անդամ՝ Արմինե Մովսիսյանը  
Քաղաքացի Վրեժ Սարգսյանի սնանկության գործով կառավարիչ՝ Հենրիկ Մարտիկյանը ներկայացրել էր նիստի համար անհրաժեշտ բացատրություններ և հիմնավորող փաստաթղթեր և հեռախոսազանգով տեղեկացրել է, նիստի ժամին այլ համակնող դատական նիստի առկայության մասին և խնդրել է նիստը անցկացնել առանց իրեն, հայտնելով պատրաստակամություն անհրաժեշտության դեպքում ներկայացնել այլ լրացուցիչ փաստաթղթեր::

Դիմումատու՝ քաղաքացի Վրեժ Սարգսյանի սնանկության գործով պարտատեր՝ Գառնիկ Հովհաննիսյան և ներկայացուցիչ՝ փաստաբան Արկադյա Գևորգյանը պատշաճ ծանուցված էր նիստի տեղի և ժամի վերաբերյալ բայց իր ներկայությունը չէր ապահովվել::

**ՕՐԱԿԱՐԿՈՒՄ**

1. ՀՀ Արդարադատության նախարարությունից վերահասցեագրված և «ՍԳԿԿ» ԻԿԿ-ում՝ 09.11.2021թ. ստացված փաստաբան Արկադյա Գևորգյանի 14.11.2021թ-ի քիվ 422353 դիմումի հետագա ընթացքը ապահովելու նպատակով՝ քաղաքացի Վրեժ Սարգսյանի սնանկության գործով կառավարիչ՝ Հենրիկ Մարտիկյանի գործողությունների /անգործության/ փաստերի նկատմամբ, վերահսկողության գործառույթի պատշաճ իրականացման, բողոքում նշված փաստական հանգամանքների քննության և սնանկության գործով կառավարչի վարքագծի վերաբերյալ, կարգապահական վարույթ հարուցելու հարցը:

**ԼՍԵՑԻՆ**-Կարգապահական Հանձնաժողովի նախագահ Տիգրան Հարությունյանը բացեց նիստը և տեղեկացրեց նիստի մասնակիցների վերաբերյալ առ այն, որ դատական նիստի առկայության պատճառով կառավարիչը խնդրել է նիստը անցկացնել առանց իրեն, նախորոք ներկայացնելով հանձնաժողովին համապատասխան բացատրություն և կից փաստաթղթեր: Դիմումատու քաղաքացի Վրեժ Սարգսյանի սնանկության գործով պարտատեր Գառնիկ Հովհաննիսյանի ներկայացուցիչ փաստաբան Արկաղյա Գևորգյանը գրավոր կարգով խնդրել էր 21.12.2021թ-ին նշանակված նիստը հետաձգել այլ հերթի, քանի որ ցանկանում են անպայման ներկա գտնվել նիստին և տալ համապատասխան պարզաբանումներ, բայց այս նշանակված նիստին չի ներկայացել:

Հանձնաժողովի նախագահին խնդրեց հանձնաժողովի ներկա անդամներից հայտնել կարծիքներ առանց դիմումատուի և կառավարչի նիստը շարունակելու վերաբերյալ, հայտնելով այն կարծիքը որ կառավարչի կողմից ներկայացվել է բացատրություններ-առարկություններ և համապատասխան փաստաթղթեր, որոնք իր կարծիքով հնարավորություն կտան ձևավորելու կարծիք եզրակացության գալու համար:

Հանձնաժողովի անդամ Ռ.Խալաթյանը հայտնեց այն կարծիքը, որ դիմումատուի ներկայացուցիչի խղրանքը նախորդ նիստով իրենց կողմից հարգվել է և նիստը հետաձգվել և նշանակվել է այսօր, բայց ներկայացուցչը իր ներկայությունը չի ապահովել, ուստի իր կարծիքով կարելի է ընդունել որ նա այլ բան չունի ավելացնելու կամ ներկայացնելու, իսկ կառավարչի կողմից ներկայացված բացատրությունները և փաստաթղթերի ուսումնասիրությունները կտան հնարավորություն փաստական հանգամանքների վերաբերյալ եզրակացության գալու:

Հանձնաժողովի մնացած անդամները համաձայնեցին այդ կարծիքի հետ և որոշեցին նիստը շարունակել առանց սնանկության գործով կառավարչի և դիմումատուի ներկայության:

#### **ՔՎԵԱՐԿՈՒԹՅՈՒՆ՝**

Կողմ - 4

Դեմ - 0

Ձեռնպահ - 0

**ԼՍԵՑԻՆ**-Կարգապահական Հանձնաժողովի նախագահ Տիգրան Հարությունյանի հանձնարարությամբ, հանձնաժողովի անդամ՝ Ա.Մովսիսյանը հանձնաժողովի անդամներին ներկայացրեց ստացված գործի նյութերը, հակիրճ ներկայացնելով բողոքը մասնավորապես նշեց, որ բողոքում նշված փաստերով բողոքաբերը փորձել է ապացուցել կառավարչի անգործությունը, մասնավորապես քաղաքացիական հայցով դատական նիստերին երկու անգամ չներկայանալը և պարտապանի համասեփականության իրավունքով գույքերի գրանցման և նրանց բաժանելիության պարզման և իրացման դատական հայցերի պատրաստման և իրականացման վերաբերյալ պլանավորված աշխատանքների իրականացման վերաբերյալ տեղեկատվության չտրամադրումն է:

Նախագահ՝ Տ. Հարությունյանը ներկայացրեց նաև ՀՀ Արդարադատության Նախարարության Վերահսկողական ծառայության պետի 29.11.2021թ-ի գրությունը, որով ծառայությունը ԻԿԿ-ին է վերահասցեյագրում դիմում-բողոքը և ներկայացնում է նաև բողոքին կից ներկայացված փաստաթղթերը:

Հանձնաժողովի անդամ՝ Ռ.Խալաթյանը ներկայացրեց անդամներին կառավարչի բացատրությունները և կից փաստաթղթերը, մասնավորապես շեշտելով, որ կառավարչը իր ներկայացված հայցադիմումով նշանակված դատական նիստերով չի ներկայացել առաջին նիստին այլ գործերով զբաղվածության պատճառով, իսկ երկրորդ նիստին արվա և ժամի սխալ նշման պատճառով, որի վերաբերյալ նա բացատրություններ է ներկայացրել ՀՀ Արդարադատության Նախարարություն ի պատասխան կողմի բողոքի: Բացի դրանից կառավարիչը նշել է, որ դրմումատուի կողմից դիմում նշված փաստական հանգամանքներով դիմումատուն բողոք է ներկայացրել դատարանին: Դատարանը քննարկել է դիմումը և իր 24.02.2021թ-ի որոշմամբ մերժել է այն, կառավարչի գործողությունները համարելով իրավաչափ:

Հանձնաժողովի նախագահն խնդրեց անդամներին կարծիքներ հայտնել :

Հանձնաժողովի անդամ՝ Արմեն Ադամյանը հայտնեց այն կարծիքը, որ դիմումը կարդալուց ստանում ես այն տպավորությունը որ դիմումատուն անտեղյակության քողի տակ բողոքի տեսքով հրամցնում է փաստերին անժանոթ տարբեր իրավասու մարմիններին և փարձում է ստանալ ինչ որ որոշումներ որտեղ կառավարչի կամ պարտապանի համար կլինի անբարենպաստ որևէ կետ, որը հետագայում կոգտագործվի նրանց կողմից, որպես գործիք կամ շանտաժի միջոց, իրենց նպատակներին հասնելու համար, այս պարագայում այդպիսի մարմին է հանդիսանում ՀՀ Արդարադատության Նախարարությունը և ՍԳԿԿ ԻԿԿ-ն հանձինս Կարգապահական հանձնաժողովի: Հանձնաժողովի անդամի կարծիքով այն բոլոր փաստերը որոնք նշել է դիմումատուն, նա արդեն պատասխաններ ստացել է այլ մարմիններից՝ ՀՀ Սնանկության դատարանից և ՀՀ Ոստիկանությունից և նրանք արդեն մանիպուլացնում են այդ պատասխանները իրար դեմ և ցանկություն ունեն մահ այդ մանիպուլյացաներին միացնել մահ Հանձնաժողովի եզրակացությունը, ԻԿԿ Որոշումը և Նախարարության դիրքորոշումը:

Հանձնաժողովի անդամ՝ Արմինե Մովսիսյանը նշեց, որ ինքը համակարծիք է այդ կարծիքի հետ և ուսումնասիրելով նյութերը և լսելով կողմերի ներկայացրած փաստական հանգամանքները, ստանում է այն կարծիքը, որ կողմերը ամեն կերպ ցանկանում են իրար վնաս տալ, իսկ պարտատերը իր փաստաբանի հետ միասին այդ գործողությունները ցանկանում են կատարել կառավարչի միջոցով, ով գործելով օրենքի շրջանակներում չի տրվում կողմնակալության: Կողմի ներկայացուցիչը իր, տեղեկատվության ստացման վերաբերյալ դիմումների և դրանց տրամադրման դեպքում դրանցում առկա փաստերի իսկ չտրամադրման կամ ուշ տրամադրման դեպքում պատասխանի չտրամադրման փաստով, բողոքների միջոցով նպատակ է հետապնդում կառավարչին պահել մշտական լարվածության մեջ, որի հետևանքով էլ հերթական աշխատանքային բացթողման փաստով գրել հերթական դիմումը, որը ըստ էության սնանկության վարույթի վրա էական ազդեցություն չի ունեցել:

Հանձնաժողովի նախագահ Տիգրան Հարությունյանը նույնպես համաձայնելով արտահայտած կարծիքներին, անդրադարձավ այն փաստին որ հանձնաժողովի կողմից արդեն երրորդ բողոքն է լսվում այս նույն կողմերի միջև և ինչպես կառավարիչն է նշել կողմը նախկին եզրակացությունը օգտագործում է ամեն անգամ նշելով թե կառավարչին նախազգուշացրել են որեմն մա սխալ է եղել, իսկ ինքը ճիշտ և կառավարիչը ամեն ինչ պիտի անի այլ նախազգուշացումներ չստանալու համար:

Հանձնաժողովի նախագահն նշեց, որ այդ ինքը կարող է համաձայնել, որ նիստերի տարբեր պատճառներով չներկայանալու արդյունքում, հայցը դատարանի կողմից թողնվել է առանց քննության, որ դա ընդհամենը տեխնիկական լուծվող խնդիր է, որ կառավարիչը արդեն այդ ահչքը լուծել է նոր հայցադիմով դատարան դիմելով, որը վերցվել է վարույթ և այժմ քննվում, ինքը կարող է ընդունել որ կառավարչի պատասխանությունները բացմաբնույթ լինելով շատ են, բայց ամեն դեպքում կառավարչի գործողությունները պետք է լինեն պլանավորված և նպատակաուղղված իր պարտականությունների կատարմանը: Նիստերին չներկայացնելը ըստ էության ազդեցություն չի ունեցել սնանկության վարույթի ընթացքի վրա, բայց դա իրավական ազդել է սնանկության վարույթի վրա ժամանակային առումով, այսինքն մահ մնացած պարտատերերի և կողմերի իրավունքների իրացման վրա, որպիսի գործողությունների հետագա բացառումների համար հանձնաժողովի նախագահն առաջարկեց սնանկության գործով կառավարիչ՝ Հենրիկ Մարտիկյանին նախազգուշացնել, որ հետագայում իր գործողությունները լինեն ավելի պլանավորված և նպատակաուղղված իր պարտականությունների կատարմանը, որը կբացառի դատարաններում նշանակված նիստերին պարտապանի ներկայացուցչի ապահովման հետ կապված հարցերի բարձրացումը:

Հանձնաժողովի անդամները քննարկեցին դիմումում նշված հանգամանքները ուսումնասիրեցին ներկայացված փաստաթղթերը, բացատրությունները և արդյունքում քվերկեցին:

**ՔՎԵԱՐԿՈՒԹՅՈՒՆ՝**

Կողմ - 4

Դեմ - 0

Ձեռնպահ - 0

**ԵԶՐԱԿԱՅՈՒԹՅՈՒՆ՝**

1. ՀՀ Արդարադատության նախարարությունից վերահասցեագրված և «ՄԳԿԿ» ԻԿԿ-ում՝ 09.11.2021թ. ստացված փաստաթան Արկադյա Գևորգյանի 14.11.2021թ-ի թիվ 422353 դիմումի հետագա ընթացքը ապահովելու նպատակով՝ քաղաքացի Վրեժ Սարգսյանի սնանկության գործով կառավարիչ՝ Հենրիկ Մարտիկյանի գործողությունների /անգործության/օրենքին և կանոնակարգերին համապատասխանության վերաբերյալ հարուցված վարույթի արդյունքներով՝ միջնորդել «ՄԳԿԿ» ԻԿԿ Դիտորդ Խորհրդին «Կարգապահական հանձնաժողովի գործունեության և սնանկության գործով կառավարչի նկատմամբ կարգապահական վարույթի իրականացման» կարգի 5 հոդվածի 5.1 կետի 5-րդ ենթակետի հիմքով՝ քաղաքացի Վրեժ Սարգսյանի սնանկության գործով կառավարիչ՝ Հենրիկ Մարտիկյանին նախազգուշացնել, որ հետագայում իր գործողությունները լինեն ավելի պլանավորված և նպատակուղիված իր պարտականությունների կատարմանը, որը կբացառի դատարաններում նշանակված նիստերին սնանկության գործով կառավարչի ներկայության ապահովման հետ կապված հարցերի բարձրացումը:

2. Սույն Եզրակացությունը սահմանված ժամկետում ներկայացնել Դիտորդ Խորհրդին՝ հետագա որոշում կայացնելու նկատառումով:

Հանձնաժողովի Նախագահ՝ Տ.Հարությունյան

Հանձնաժողովի անդամ՝ Ռ.Խալաթյան

Հանձնաժողովի անդամ՝ Ա.Ադամյան

Հանձնաժողովի անդամ՝ Ա.Մովսիսյան

